

Erich Bolinius

www.erichbolinius.de

Erich.Bolinus@t-online.de

Bericht über den BSV Kickers Emden - Sendung „Flutlicht“ auf Radio Ostfriesland

Donnerstag, 9.8.2012 18.05 Uhr auf 94.0 bzw. 87,7

Moin, leev Toehörers,
ennelk is de Punktspölsaison in de Foetballlandesliga anfangen. Kickers muss lesd Freedag na Pesem (Pewsum), Dat Spöl harr natürelk Derbycharakter. De rund 1.500 Toekiekers sachen aber keen goed Spöl. Pesem harr in de eerst Halvtied mehr van 't Spöl un harr na 20 Menüten ok al mit 2:0 föhren kunnt. Veer-, fievmal brannte dat för dat Kickerstor. De Mannskupp kunn sük bi Torwart **Rene Carstens** bedanken, dat de Emden Kasten skoon bleev. Aber ok de Pesemer Angrepen bleven meistens harmlos. Een Freetrapp van **Patrick Bygus** in de 28. Menüte gung an dat Linkelattenkrüz, harr aber ok genauso goed drin wesen kunnt. Kickers harr in disse Tied vör allem dormit toe doen, de Ballen oftowehren. Na vörn gung bold nix. De Mannskupp verleet sük vör allem up **Martin Habben**, de harr of un toe ok goed Szenen.

In de tweed Halvtied wurr dat Toesamenspöl van Kickers beter un beter. Man wunn in 't Middelfeld Ballen un kunn so de een of anner Angrep starten. **Thilko Boekhoff**, de in de eerst Halvtied neet overtügen kunn, wurr immer beter, ok wenn he of un toe noch toe egensinnig was. Martin Habben wurr ok beter. In de Tied tüschen de 65. un 80. Menüte harr Kickers de groosten Kansen. Pesem baute mehr un mehr of. As de Schiri offleite stunn dat immer noch 0:0. Beid Mannskuppen können seker mit dat Resultat leven. Wenn de jung Kickersmannskupp boven in de Tabell mitspölen will, dann mutt aber noch mehr komen. Hopen wi as Fans dorum, dat noch beter word. Aber man mutt mi so 'n jung Mannskupp ok Gedür hebben. 'n Umfraag unner al Mannskuppen in de Landesliga hett ergeven, dat Kickers blot 3 x un Pesem bloot 2 x as Meister, Germania Leer un Frisia Loga gaar neet, nöhm worden. Melle aber 17 un VFL Oldenbörg 15 x. Aber Prognosen bi 't Foetball doent neet immer intreden, dat weten all, de dormit toe doen hebben. Un dat is ok goed so.

Dat Pokalspöl in de 2. Runn van de Bezirk in Nörden harr Kickers sük ok wall anners vörstellt. Kickers lag mit 2:0, dör Toren van Martin Habben un **Santos da Luz**, wall in de Halvtied in Föhren, man de Nörder Mannskupp kunn mit 'n Dübbelschlag in de 59. un 60. Menüte utglieken – un was in de 2. Halvtied beter as Kickers Emden.

'n Elfmetersketen muss also dorover enskeden, well van de beid Mannskuppen wieder kwamm. Hier harr Nörden de betere Nerven un wunn insgesamt vör ruugweg 400 Toekiekers, dorunner weer 'n heel Bült Emders, noch mit 6:3.

Hopen, wi dat Kickers mörgen um Klock acht tegen de U23 van VFB Oldenbörg beter spölt un winnt. 'n goed Start in 'n neei Saison is vör de jung Kickers-Mannskupp heel wichtig, winnt se dordör doch an Sülvestvertrauen. Ik tipp up 'n 3:1 Sieg för Kickers.

So, nu noch, as alltied, 'n heel kört Foetballwitz:

„Och, ik hebb ja sportliche Frauen so leev“, seggt de Scheich. „Eerst körtens hebb ik 'n Frauen-Foetballmannskupp heiradt.“

Leev Toehörers van Radio Oostfreesland,

, dat was dat weer maal för disse Week,

ik hoop, Joe hett dat Plattdütsk gefallen, denn mien Motto heet ja alltied,

plattdütsk dürt - nettso as Kickers Emden – neet unnergahn.

Bit anner Maal

Joe

Erich Bolinius
ut Emden-Petjem.